



**Oalde Bensmer vun doomools
Bergsträßer Anzeigebblatt 1951**

Teil 1

Neilich noachds bin ich modderseele allaans doich die Schdadt gedabbd. Kaan Deiwel – in dem Fall maan ich doodemit nadierlich die liewe Mitmensch – is mer begäjend. Nor hie und doo is mer e Katz iwwer de Wää geloffe orrer en Hund hot gejaunert, weiler net zu soiner Hausdeur noigekent hot. Die Leit inde Haiser häwwe faschd all schun, geschloofe. Die aane gut, weilse am Doa ehrlich ehrer Aeärwet nohgange woarn, die annern schläächd, weilen ehr Gewisse kaa Ruh gelosse hot.

Ans Guntrume Eck is mer doo pletzlich de Gedanke kumme, mich mool e halb Joahrhunnt un driwwernaus zerickzevesetze un mer all die Leit ins Gedächtnis zerickzeruufe, die wuu frieher inde Hauptschdroaß gewohnt un Es Schdroaßebild belääbd häwwe un die, wuu ich schun als Buu un schbeereer als junger Mann perseelich gekannt häbb. Souen Rickblick is manchmool ganz lehrreich, dann mit deene Pärsoone schdäiht pletzlich e ganz anneri Wält vor aarn. Oalde Erinnerung wärrn wirrer lewennig, luscdige und traurige, lengschd vegässene un uuegäßliche. Die Vegangeheit wärd zor Gäjewart un mer fiehlt sich uff aamol wirrer jung, trotzdem mer groad bei soueme Rickblick mäikt, wie oald mer schun is. Dann die meischde vun deene, uff die mer sieh doo besinne dutt, sinn lengschd begroawe. Un die, wuu mit aam als junge Bärschelchin in alle Schdroaße un Gässelchin rumgeschdroomert sinn, lääwe aa net mäih orrer tribbele vorsichdig vun aam Schdaa uffde annern, groad wie die, mit deene mer frieher unsern Uuz getrewwe häwwe.

Zuärschd will ich mool die Hauptschdroaß vornemme. Gleiwew uegefange hot bis zor Beschießung vun Bensem im Joahr 1945 es oalde Haus Guntrum geschdanne. Doo hot mer ofd de oald Kumärzieroat mit soim froindliche Gesicht vor soine schäine geschnitzte Hausdeer schdäih sähe, wieer em oalde Bensmer zugenggd hot, där wuu gemächlich, wie die ganz Zeit doomools woar, die Hauptschdroaß nunnergedrollt is. Doo is aa manchmool soin Bruurer, de Jean Guntrum aus dem Houfdoor rauskumme. Er woar inde ganz Umgäjend un noch weiler bekannt wäje soiner Woizung, där wuumer nix hot vormache kenne un vun dääre mer moin Vadder selig als ofd vezählt hot. Es Guntrums Haus is faschd es aanzige, däs wuu soin Besitzer net gewächselt hot. Aa doo wirrer bewoahrheit sich där oalde Schbruch, där wuu schun im oalde Bensem laifig woar: "Guntrum bleibt Guntrum."

Däs Haus nääwedrou hot frieher mool em HainzeChrischdoph gehäjert. Er woar Bäcker un Woiwärt und hot wäje soim veele Gäld aa de „reiche Hainz“ gehäße. Oalde Bensmer wisse doo-driwwer joo Bescheid. Schbeerer hot de Bruurer (Bruder) die Wärtshafd iwwernumme. Im Eckloare unne woar dann e Zeitlang e Filiaal vum Woarehaus „Geschwister Knopf“ aus Darmstadt droi unde Zacharias Jakobi, wuu schbeerer es heitige Kaufhaus Ganz ande Middelbrick zueme Geschäfshaus oigericht hot. De heitige Besitzer Wollenberg hot dann de ganz unnere Stock vum ehemalige Heinze-Haus zum Kaffee „Perkeo“ umgebaut. — Gäjeniwwer vunde Zollamtsschdroaß hot der Garnier soi Wärtshafd gehadde. Die Bensmer häwwe nor „Ganniee“ zuem gesoat. „Die drei Keenig“ woar aa vunde älteschde Wärtshafde un Loschiergeläjenheite im oalde Bensem un häwwe in groußem Ousähes geschdanne. Bei de Joahrmäikd wornse es Schdandquadier vum "woahre Jaagob", Noachhär hot de Leibfried die Wärtshafd iwwernumme un speerer woar de Velker de Hausbesitzer. Heit is däs Ouwäase wie sou veel annern Haiser in de Noachberschafd e Ruin unen Drimmerhaufe, dem wuu mer nix mäih vunn Glanz aus friehere Zeire oumäike dutt.

Un wuu heit es neigebaute „Kaffee Weiffenbach“ uffde Iwwerräschde vum oalde schdäiht, däs wuu sich frieher mool es „Kaffee Ehret“ genennt hol, doo hot ganz frieher mool dc Koppel Härsch vor

soine Loaredeer geschdanne un hot soi Kunnschafd beigeguggd. Bekannt woar soin Puddelhund, iwdrigens e Schdaatsdier. uff däs wuuer mit Räächd net wenig schdolz woar. Als Buwwe häwwe mer den Hund im Vebeigäih immer genäxt. Er hot dann en Mordsradau gemoachd Awwer bis de oalde Koppel uffde Bildfläch erschiene is, woarn mer schun lengschd uff un devuu.

Es neechschde Haus mit dem grouße Houfdoor woarem Vadder von unserm jetzige Klinglers Päijrer. Es is schbeerer umgebaut worrn un vun soim oalde Aussähe woar niet mäih veel iwdrig blewwe. Bekanntlich isses im letschde Krieg bis zum Keller ausgebrennt. Däs neierschdanne Schborthaus Klingler erinnert in nix mäih an däs oalde Haus aus moiner Jugendzeit. Soin Besitzer, de „oald Klingler“ woar e schdadtbekannte Pärseenlichkeit Er woar däs, woas mer sich inde doomoolige Zeit unnerem ehrboare fleißige Handwäiksmoaschder vorgeschdellt hot. Mojens in aller Friehe jeeresmool um diesälb Zeit, isses an de „Härrgottsbrunne“ gange, dar wuu soim Haus grad gäjeniwwer geschdanne hot, um sich e grouß Gloas Wasser zu holle. Däs horrer daagsiwwer schluckzweis zu sich genumme. Er hot behaupt, däs Wasser vum Härrgottsbrunne weers beschde Wasser vun ganz Bensem. Noach Feieroowend, den wuuer pinktlich oigehoalte hot, isses naus ins Diefebache zu soim Schdammdisch. Genaa um diesälb Zeit isses kumme un a wirrer jeeresmool zor sälb Zeit wäkgange. Nix horren dann zerickhoalte kenne, es hot kumme kenne, woas gewollt hot.

Bei dem Schdammdisch bei. de Modder. Diefebach will ich en Aageblick veweile, weil doo oalde Juugenderinnerunge in in mer. uffläwwe, an deene wirrer veel oalde Bensmer ehr aijene uffrische kenne. Zu dem Schdammdisch häwwe vor allem hiesige Gäärtner gehäijert. De oald Kindler unde Jordan, de Belzner unde Stahl, de Jung vun Scheembaik un hie un do de Gäärtner Hartmann. Dann als reegelmeeßige Besucher de Daabschdummelehrer Nagel, de Abbedeeker Fischer, de Rächdsaawalt Hemmes un, soulang er im Haus vum Schmidte Moritz seiner Mooder gewohnt hot, de Faustino Clara. Düs woarn vergniegliche Schdunne, die wuu ich doo alls jingschder unner all deene „ältere Herrn“ häbb veläawe därfe.

Zwaa schäine Oowen.de sinn mer noch besunnerschd in Erinnerung. Däs aane woar de Oabschiedsoowend vom Froind Clara doomools, wie er nuff in sei Haus uffde Griesel gezooge is. Er hot sällemool de Orden vum „Sankt Kork“ iwwerreicht krient un soin Schduhl woar vun soim Froind Jordan mit Blumme geziert. E zwadd schäi Erinnerung woar en Neijoahrsoowend, wuu de oald Bensmer es Lied vunde „schaine Gärtnerfraa“ gesunge hot. Besser un schdimmungsvoller häwwich das Lied in moim ganze Lääwe net mäih singe häiern. Manchmool is aa de oald Vetrineerroat Güngerich an unsern Schdammdisch kumme, e poar mol, ehnder dasser Baijermoaschder vun Bensem worrn is, de Regierungsroat Löslein. Im allgemaane is an dene Schdammdischoowende veel gebabbelt worrn. Die Haaptsach woars Schkaatschbeel. Die Gesellschaft hot sich aus zwaa Hälfdz sammegesetzt, in die wuu abwächseld geschbeelt hawwe un die, wuu iwwerhaupt net häwwe schbeele kenne. Zu dene häbb ich gehäijert. Ich woar, wie mool de oaldeler fesendgeschdellt hot, die ougenehmschd „Wanz“. Doodeloor woar ich awwer berichdigt vun wäje moiner lange Peif, die wuu ich, wans zu langweilig worrn is, unnerm runde Disch uffde Borrem uffgesetzt hab un spaßhalwer, anschdatt anner ze ziehe, noigebloose hab. Pletzlich is dann deene eifrige Schkoatbrierer e dichd Dambwolk vun unne ruff in die Noas geschdiehe. „Där dembt uns noch dout, där dembt uns noch dout!“ hot doo als de oalde Klingler gesoat, awwer er is niemools ärnschtlich bäis worrn.

Ja, däs woarn noch Zeire, wuu die Menschheit noch net sou verrickt woar wie heit, wuu jeerer em annern soi Sach gegunnt hot, wuu Oitracht un Gemiedlichkeit for jeeren e Bedürfnis woar, där wuu de Doa iwwer soi Schulligkeit geduu hot un wuu Leitausmächer sich anen annern Disch häwwe hocke misse, weil merse inerer aaschdennige Gesellschaft net uffgenumme bot.

(Fortsetzung folgt) jst.

Teil 2

Außer dem Schdammdisch, vun dem awwel die Redd waar, hots ins Diefebache drauß aa noch en annern gäwwe. Ich binn nor oab un zuu hiekumme. Vun däre Schdammdischgesellschaft is mer noch guut in Erinnerung de sougenannt „Groschereiter“, där wuu sich jeeren ärschde im Monat pinkdlich bei uns Dehaam oigschdellt un moim Vadder soi Pensioon in blanke Daaler un Finmaiksidicker uufde Disch gezählt hot; dann de Weiße Andoon und de oald Friseer Hillebrand mit soim lange roure Schnorres, e Seel vuneme Mensch, wanner net gereizt worrn is. Wie ich noch en kloane Buu woar, horrer mer mool beinoh aani ausgewischd, weil ich beim Hoahrschneire net schdill gehoolte häbb. Weil ich sou kitschlich woar, häwwich neemlich schun zu blärn aufgefangen, wanner mit soiner Scheer in moi Neh kumme is. Ou! Däs horrer net vetroae kenne. Wie häwwemer am Schdammdisch noch vun deene oalde Zeire gebabbelt. Schbeerer hot aa noch de Schnaarermoaschder Dietsch debei gehockt, där wuu mer die ärschde lange House ougemässe hot. Ich waaß noch wie heit, wieer doomols mit soine glitzerige Aigelchen wie souen klaane Profässer vor mer geschdanne hot. Es woar in dem Haus zwische de Kabezienerkäich uns Reimunde ehre Haus, das wuu schbeerer oabgerobbd worrn is un em „Schdrumsagga“ (Defaga) gehäijert hot. Aan heerich beinoh vegässe, de oald Schuhmachermoaschder Jouschd (Jost) aus de Schlinkegaß. Mer woarn guure oalde Bekannte, dann in dem soi Haus bin ich als Buusche, däs wuu kaum hot grawwele kenne faschd jeeren Doa mit de „oald Kleer“ (Klara Eisenhauer) hiekumme. Die hot säälemooi im gleiche Haus wie meer gewohnt. (schbeerer Gaschdhaus zor Gärmania). Se hot midi in moiner Kinnerzeit uff Schritt un Tritt behiet, hots awwer doch net vehinnern kenne, daß ich mool bei Glatteis die Schdaadräbb ans Jouschde Haus runnergehorzelt bin.

Mer sinn inde Hauptschdroaß am oalde Klingler soim Haus schdäih blewwe. Es Eckhaus nääwedrou woars Heckmanns. Däs woar e Korz- un Weißwoarngeschäfd, wuu die Kunnschaft schdennig aus un oigange is. Aamool- wie mer en Schnäiballe, souen „Gebaatzde“ orrer „Wasserhadde“, wie die Bensmer soae, aus Vesähe an dem Heckmann soi Ärkerscheib geschmesse häwwe, is uns där mit de Ell bis nunner an die Schlinkegaß noahgemoachd. Meer Lausert sinn geloffe woas mer häwwe laafe kenne un häwwe uns hinner de Dräbb vunde oald Zilligen veschdeckelt, däre ehr Haus gäjeniwwer vuns Jouschdo geschdanne hot. Während de Heckmann noch owwe ande Eck mim oalde Heinzefranz dischkeriert un mit soiner Ell inde Lufd rumgefuchdelt hot, häwwe mer uns haamlich ums „Hofrate“-Eck vedufd. Im Heckmann soi Haus is dann es Eisengeschäfd vuns Bacherache un Jagoowies (Bacherach und Jakobi) noikumma. Ande langjehrigge Geschäftsfiehrer, de oald Vogel wärd sich noch mancher gut erinnern kenne, ääwesou an die Fraa Bacherach mit ehre grusselig Hoahr. Schbeerer, bevor de Schuhmann un Luley das Geschäfd iwwernumme hot, woar aaner mit Noome Freundlich in dem Loare. Noach dem letschde Krieg is vun dem ganze Baijes nor noch de Keller iwwrig blewwe. Am Eck vum doomoolige Heckmanns-Haus is mer als Buu mool de Schimmer mit soim Schdägge noachgemoachd, weiler gemaant hot, ich heeren veuuzt. Doodebei woars en ganz annern, där wuu heit aa schun lengschd net mäih am Lääwe is. Där hot sich hinnerm Harrgottsbrunne veschdeckelt gehadde un mit veschdellte Schdimm als geruufe: „Schimmer schbring! Schbring Schimmer! De Kreemer kimmt!“ De oald Schimmer hot freilich Grund zum Ärjern gehadde, dann ärschdens horrer wäje soine vewoachsene Fieß net schbringe kenne un zwaddens woar de Kreemer, där wuu aa en Makler un sei schdäikschd Konkurrenz woar soin gräischde Foind. Die zwaa häwwe sich minanner wie Hund un Katz vetroae. Ich häbb mich bissel ausgeschnaufd, un mer die ins Gedächtnis zerickgerufe, wuu frieher mool uffde annern Seit vunde Hauptschdroaß gewohnt häwwe. Es Guntrum ehre Woikeller, där wuu ärschd in dem Joahr inde Besitz vum Korbmacher Lehmann iwwergange is, woar

zu moiner Juugendzeit for die Allgemeinheit net zuugänglich. Er isses ärschd worrn, wíeen soín frieherer Besitzer schun bei de ärschde Winzerfesche dem doomoolige Kur- un Verkehrsveoin unentgäldlich zor Verfiengung geschdellt hot. Er war dann en Hauptaaziehungspunkt for Jung un Oald, for Oíhaamische un for Fremme. Im Haus náäwedrou hot zu moiner Juugendzeit de „Lárrer-Bendheim“ gewohnt.

Dár hot sich immer gefraat, wanner mer in soim Hausgang begäjend is. Ich woar en schdennige Gaschd in soim Haus. Im ewwerschde Schdock hot neemlich moin Lehrer vunde Vorschuul vum Gimnasium gewohnt. Dár hot Nikolaus Koob gehaaße. For uns woarer nor de „Nikloskoob“, weiler uns ofd vun soim Mikroskop vezählt hot. Mer háwwen all gut leire kenne, dann er woar en hárzensguurer Mensch. Er hot uns niemools gehaawe awwer doodefoor háwwemern unser Schuuluffgaawe, wannse falsch orrer uuvollschdennig woarn, um drei Uhr ande freie Noochmiddoage ins Haus bringe misse. Aus laurer Simbadie, nor daß mern aa am Noachmiddoa gesähe háwwen, woarn mer all von unsrer Klaß iwweeraans kumme, unser Uffgaawe noch schlächder ze mache als wies for souen Noachmiddoags-Schbaziergang notwendig gewäast weer. Er hot awwer ball den Schnubbe gemäikt un aneme schäine Doa horror e Schbannisch Rouhr mit in die Schuul gebroachd un hot uns Faulbelz iwwer die Bank gezooge, dasses nor su gekrachd hot. Doo woars aus mit de Froindschafd un mer háwwen uns schnäll noch vor de Schuul unser Uffgaawe gäjeseitig vegleche, daß joo kaan Fehler mäih ze finne woar. Schbeerer woar de Klaarer-Marx in dem Haus un jetz hot de Schuh-Müller soín Loare droi. Weiler unne, wuu heit es „Radio-Haus Stock und Braun“ frisch umgebaut is, woar die Konditorei Kelwer. De oald Kelwer mit soín roure Bart un soiner weiße Konditerschärz hot ofd vor soiner Loaredeer geschdanne, wann ich vebeigeloofe bin. Ich hább immer Angschd voorem gehadde, weiler soue báis Gesichd gemochd hot. Schbeerer hot de Kinkel das Geschäfd iwvernumme un hinner soim Haus, de oald Schdadtmauer entlang e Gaadewärtschafd for alkeholfreie Gedrenke (Frada) uffgemoachd. For manche Gäsche vun doomools schdähns Kinkels inere „sieß Erinnerung“! Es Adams-Haus woar, souweit ich mich zerickerinnern kann, in desälwe Familie wie heit. De ganz oald Adam woar en klaaner unneretzte Mann merreme dichde Schnorres. Er woar zu soiner Zeit wie heit soín Suu aaner vunde geschickdste Uhrmacher in Bensem. Vum heitige Adam soim Groußvadder háwwich als Buu veel vezähle heern. Er woar e schdadtbekannt Perseenlichkeit un hot im Wälschkorneck gewohnt. Aamool horror de Käichegiggel effendlich inde Aalaag vegold. Als ärschter Goldschmidd in Bensem hot mern nor de „Goldschmidds-Adam“ genennt. Aa schbeerer noch, wie soín Suu soi Loaregeschäfd inde Hauptschdroaß uffgemoachd hot, hots allgemaa gehaaße: „Mer gäihn ins „Goldschmidds“. Er hot noch die goldne Trauring un die doomools sou beliebde runde goldne Ouhrring aijehennig ougefärdigt. —

Iwwer dem Sackgässelche driwwe hots oalde Meisel'sche Haus gschdanne, aus dem wuu de ehemalige Meisel rausschdammt. Schbeerer hots de Bernhard Kern Witwe gehäiert, die wuus dann ande Otto Renner vekaafd hot. Vor dem dasses ausgebommd worrn is woars Eisegeschäfd vuns Schäfers droi. — Ande Eck noach de Owwergaß zu, wuu zeletschd de Hillemann soín Koloniaalwoareloade gehadde hot, woar frieher die Bäckerei un Woiwärtschafd vuns Ehrmanns. — Sou simmer wirrer am Hárrgottsbrunne geland un mer mache jetz langsam die Hauptschdrooß nunner.